

# Joes blong Sandei

*"?Wanem ia sakramen?" Anita i askem.*



## I kam long Rebekah Jakeman (I kamaot long wan tru stori)

*Stori i tekem ples long Aeslan.*

"!Antap moa!" Evolett i talem  
• long fren blong hem Anita.  
Tufala i stap luk hamas tufala  
i save jiam i go antap long  
trampolin blong Evolett.

Stret long taem ia, Anita i jiam  
antap tumas. Taem ol leg blong  
hem i stanap bakegen long  
trampolin, !i mekem Evolett i flae  
i go antap! Tugeta gel i foldaon  
long trampolin. Tufala i laf.

"Hemia i naes tumas," Anita  
i talem. "?Yumi save pleplei  
tumoro tu?"

Evolett i tanem hem mo silip  
long bak blong hem. "!Yes! Bae  
mi wantem tumas."

"Yumi save pleplei long haos  
blong apu woman blong mi."  
Apu woman blong Anita i stap  
kolosap long haos blong Evolett.

Afta Evolett i tingbaot se nekis  
dei hem i Sandei. Hem i wantem  
blong go long Praemeri. Bae  
i wan gud taem blong pleplei  
wetem Anita, be hem i wantem  
mekem wan gudfala joes.

"Mi jes tingbaot se mi no save  
kam pleplei," Evolett i talem. "Mi  
sori. Bae mi go long jos wetem  
famli blong mi tumoro."

Anita i stanap mo jiam bakegen.  
"?From wanem?"

Evolett i stat blong jiam tu. "Mi  
wantem blong folem Jisas Kraes.  
Famli blong mi i stap go long jos  
evri Sandei blong lanem abaot  
Hem mo tekem sakramen."

"?Wanem ia sakramen?"  
Anita i askem.

"Hemia taem mifala i kakae wan  
smol pis bred mo drink wan smol  
kap blong wota blong tingbaot  
Jisas Kraes," Evolett i talem. "Afta  
ol pipol oli tokbaot olsem wanem  
Jisas i stap helpem olgeta. Mo afta  
long hemia, li gat wan spesel klas  
blong ol pikinini!"

"!Hemia i naes tumas!" Anita i  
talem. "?Mi save kam?"

"!Yes!" Evolett i smael.

Anita i ron i go long haos  
blong askem apu woman blong  
hem sapos hem i save go long  
jos wetem Evolett. Long nekis

moning, Evolett mo famli blong  
hem i pikimap Anita taem oli stap  
go long jos.

Taem oli kasem jos, Evolett  
i soem ples long Anita. Hem  
i soem Praemeri rum, ples  
blong plei basketbol, mo japel  
long Anita.

Kolosap hem i taem blong  
sakramen miting. Evolett mo Anita  
i sidaon tugeta. Evolett i traem  
blong tingbaot Jisas Kraes long  
taem blong sakramen. Oli lisiin  
long ol toktok.

!Hem i taem blong go long  
Praemeri! Evolett i introdusum  
Anita long sam long ol fren  
blong hem.

"Hemia fren blong mi Anita,"  
Evolett i talem.

"Mifala i glad tumas se yu kam  
tedei. Mi mi Sista Magnusson,"  
Praemeri tija i talem.

Taem Evolett mo Anita i stap  
lisin long lesen abaot Jisas Kraes,  
Evolett i filim hapi insaed long  
hem. Hem i laekem blong stap  
long jos wetem Anita. Hem i  
tanem hem mo smael long Anita.

Fren blong hem i smael i kambak.  
"Tangkyu blong invaetem mi,"  
Anita i talem taem oli stap gobak  
long haos.

Evolett i hapi se hem bin save  
folem Jisas Kraes. Mo hem i glad  
se Anita i wantem blong lanem  
abaot Hem tu.

Hem i naes blong jiam long  
trampolin mo flae long ea, be  
wom filing we Evolett i filim insaed  
long hem, i moa gud. ●



?Yu save invaetem huia  
i kam long jos wetem yu?



OL PIKIA BROING OLI KAM LONG FIONA POWERS

